

E' Pròim dè 'd maz

*Maz, s'la Fèsta de' Lavaur,
la primavira e al rosi
l'è e' piò bèl fiaur.*

*E' pròim dè, u s' arcorda in tot e' Mond,
l'è fèsta cmandaèda screta in ròs;
un s'va a lavuraè, u si fa fèsta se' garofan
e se' Triculaur, par l'unaur e la memoria
ad quei ch'j à lutaè pr'i diret 'd tot naun.*

*Stan, se' "coronavirus" e al piazi svuiti,
us pensa mal dificultà ch'a gl'i avnirà,
me' lavaur che maènca, m'agl'j aziendi ch'al cioud,
i diret in pereicval e i puret ch'i cres ènca da naun.*

*Adès, la parteida da vòinz, l'è quèla
cauntra la malatì, la pandemia cmè ch'i la ciema,
e' "covid znov", parchè u na da murei piò nisaun.*

*Sobit dòp bsogna garantei un lavaur unèst
ma ògni òman e dòna int ògni cantaun de' Mond,
't e' rispèt dla natoura, ch'l'è da lè che nas la veita. **

*La Tera,
sta pala zneina duvò ch'a sem nasou e a campem,
la pates d'un maèl anteigh, l'eguoisum 'd tot naun.*

*Quèsta l'è la rizèta par lutaè e staè ben insen:
scanzlaè da la faza 'd sta nòsta bèla tèra,
al guèri e la faèna, l'inquinamòint e i bumbardir.
Int e' su pòst, piò scoli, madizòini e aqua puleida,
mo piò 'd tot: libertà e giusteizia par la zenta,
e piò 'd tot par quei ch' n'à vòusa par faès santei.*

*Quèst l'è, par ogni parsaua 'd cor
la Festa de' pròim dè 'd Maz, Festa cmandaèda
screta in ros, 't i calanderi de' Mond intir.*

(). Vedere il testo in italiano.*

San Mauro Pascoli, 1° Maggio 2020

N.B.: ad = 'd



Testo di Primo Alessandri
artigiano, cittadino del mondo e sindacalista
primo.alessandri@gmail.com

Per la consulenza linguistica ringrazio il M° amico e compagno (dal latino cum panis) Piero Maroni

Tomaificio - Outlet borse e pelletteria "Maria Tomassini" - Smart Leather s.a.s.

Via della Liberazione, 29/31 (zona artigianale) - San Mauro Pascoli (FC) - Tel. 0541 933601 - Fax 0541 930367 - Cell. 348 8724446